

[Augsburg], 15. März 1572

An Hugo Blotius

ÖNB Cod. 9737^z, Kassette I (Nr. 14), fol. 101r.

S. Redit ad te, Clariss[ime] vir, D[omine] et amice colende, Mureti oratio: sed cum accessione, haud scio quam bona: sed à multis, quorum aliqua est in hac urbe autoritas, probata. Sturmianas epistolas orationi Rasarianae praefixas, Argentina te accepisse arbitror, aut accepturum breui. Quae de tuis rebus scribis: ea Deum fortunare volo. Sed de coniuge, adhuc tua messis in herba est: et, πολλὰ μεταξὺ πέλει κύλικος καὶ χείλεος ἄκρου. Quod optas, uti mecum viuere liceret: idem et ego magis opto quam spero. Quid enim mihi posset esse, tanti et talis viri consuetudine iucundius? in magna praesertim solitudine. Familiarem enim in hac urbe habeo neminem, qui mihi, quoties commodum est, domi esse possit. τὸ δὲ συγχρωτίζεσθαι τοῖς τεθνεῶσιν, τουτέστι, τὸ τὰ παλαιῶν συγγράμματα ἀναλέξασθαι, ή, τε ἀμβλυωπία, καὶ τὸ ἐπίλησμον σχεδὸν ἀφήρηται μου. Sed haec ferenda sunt, et animus πρὸς τὸ ἐν οὐρανῷ πολίτευμα excitandus. Vale. Idibus Martij 1572.

Hiero[nymus] Wolfius.